

時



事

新

遊


記

遊

圖

記

記



編

萬

松



時事新編



俞樾恭紀

太后飭造小龍牀備賜坐達賴并附厄

蘇東坡言

香雪翁

君上逾量之恩知重其感情者始能激發天良力

圖報稱否則不以為敬我而以為畏我不以為尊我

而以為慮我不為寵錫我而以為要求我不以為

固結我而以為寵絡我失之毫釐謬以千里則向之

驕蹇者因而愈泰侈向之詭譎者因而益譁張如本

朝開國特三藩藐視王章勿遵臣度尋至隱萌不軌

大動干戈而始行撲滅傳曰官之得失德寵賂彰也
此誠千古之箴言哉今者西藏達賴喇嘛進京入勤
觀已而經晉撫寶棻電奏報畧謂達賴定於八月
二十二日或二十三日啟行由正定換坐火車帶
有經咒百餘箱貢品二百餘件隨從二百六十二人
下車後乘馬至黃寺應飭預備馬匹至觀見禮節達
賴屢經催問懇即頒給等語同日即奉皇太后面
諭軍機大臣以達賴將次來京飭令速造小龍床以
備達賴陛見時賜坐隆重哉達賴顯赫哉達賴此等

異數真逾量之恩矣。夫達賴非西藏中之渠魁乎。溯其派不過佛裔也。論其人亦不過僧目也。西藏本有藏王。彼之勢力範圍偏突過於藏王上者。又不過以全藏之人多崇佛。為僧侶羣奉達賴為活佛。而彼喇嘛遂得攬大權也。

著流雨天
太后

藏事日亟之秋。宣召來京。隱欲令其與樞府諸臣商

量保藏政策。故特在黃寺派員加意供張。為達賴住

宿外。又飭造小龍床一座。以預備觀見時。賜坐所需。

特不知飭造之小龍牀與太后之大御座其大小

撐

果相懸幾許耶并與皇上之大寶座其大小又相
去幾何耶且賜坐小龍床之殊恩異寵又不知在內
諸親王於觀見時有幾人能邀此盛遇耶更不知在
外諸蒙王於觀見時有幾人受此隆儀耶草茅下士
未嘗瞻仰帝閣不敢妄參末議特念該達賴既為
全藏首領則全藏之安危不責他人而專責達賴乃
前後藏之隘塞已為外人直搗中堅前後藏之利權
又被外人獨登壘斷其所以未與猶太埃及高麗等
例者以外人尚別有顧慮而非達賴能自支撐也以

不能安支撐全藏之人。自由藏迤邐而來。住紮五臺山。在將進京未進京時。尚敢意裝出許多不合格之情形。不近情之摸撲。揀吾窺其心。君上逾量之恩。彼直以為畏我而非敬我。直以為慮我而非尊我。直以為要求我而非寵錫我。直以為籠絡我而非固結我。則不能望其感情而圖報稱者。有可預料也。且鄙人尤有慮焉。此次達賴到京。一切儀文。為各公使所注目。即此賜坐小龍床一事。各公使倘謂達賴祇為西藏喇嘛。而竟膺此曠典。吾輩均為各國欽使。而

偏缺此隆儀得毋厚於彼而薄於我乎不審推是設
或我大英國皇帝大德國皇帝大日本國皇帝與大
國總統大美國總統或從大西洋或從大東洋先後
乘長風破萬里浪海條焉房止與大清國皇帝敦夙
好訂新盟爾時賓主周旋廟堂接待其儀文定當較
盛於達賴豈亦即以小龍床賜坐耶抑尚有較尊於
小龍床者舉以賜坐此際恐不免貽人口實矣雖
其事未必有而其情未必無使但信其未必有而不
慮其未必無此際逾量之恩安知不為他日責言之

事。鄙人所由恭紀其事。而不禁隱詭抱杞憂也。

論起用廢員

鯉 葵

今試問於人曰。國家需人材乎。則必曰。惡。曷為不需

人材。得人材則國天人材則亂。人材多則興。人材乏

則亡。人材之於國。若燈之需膏。草木之需肥料。不可

一刻或缺。無人材是無國也。又試問曰。中國有人材

乎。人材多乎。否乎。則答曰。曷為有人材。有人材則

不致內治。敝不治外交。敗有人材。則不致聘歐人為

顧問官。送日人以教育權。且也。人材多。更不致一切

工程司機器師皆以歐美兩洲人充其位而廁其席。由前之說。是中國不可無材。由後之說。是中國實無一人材。人材乎。人材乎。固今日所渴望所夢想。冀其拔十得五。而獲一見者也。異哉廢員也。一月之閒。報到者已四千餘人。此後更源源未已也。是何其人材之多也耶。夫人材者。固昔人所薰沐以祝吐哺以見。而不可得者。而人材之多。又聖君賢相所累世栽培。側席徵求。而不敢希冀者也。夫以不可得。不敢希冀之事。而乃不招自來。不來自至。滿坑滿谷。

芳流雨天

有取無窮。而用不竭之勢。美矣哉。人材也。盛矣哉。人材也。材也。之多也。以此人材而治海軍。可以蹴英。踐美。吞法。踣德。直擣東京。長驅入聖。彼得堡。雖混一亞細亞。鞭笞全世界。不難舉。前日種種之恥辱。所飲泣忍氣。而不敢較者。皆可以一雪。以此人材而佐立憲。可以尊主權。伸民氣。謀公益。享幸福。俯視盧梭。目笑孟德。斯鳩。雖睥睨斯拉夫。凌瀛海。盜格魯撒遜。人不難舉。前途種種之危險。所焦毛髮濡手足。不能救者。皆可以無恐。昔之有補人材為祥麟威鳳者。有因得人材

而見景星慶雲者。今中國而有此人材。人材且如此之多也。吾為國家賀。吾將翹然以傲於五大洲。雖然。今日起用之廢員。果足以當人材耶。約計之。蓋有數種。非納粟拜爵。即蠲營狗苟。由夤緣保舉而得之私人也。否則由八股五言鄉會試而弋獲之舉人進士也。是可不謂人材矣乎。其對於上。則除唱諾打躬。揣意旨趨風氣之外。無他學問也。對於下。則除敲骨髓。吮脂膏。較量優瘠。擅作威福之外。無他思想也。是又可謂人材矣乎。且所謂廢員者。必其貪墨不

職。萬無可容。而彈劾者也。不然則狂暴妄為。確有實
跡。而褫革者也。不然則或懦弱無能。或顛預不明。不
能膺民社而休致者也。雖其中非無冤抑被參情罪
可原之人。吾其獨不過百分之一二也。要之殃民禍
國者。居多數。可斷言也。天雨流芳以此而言。人材可謂人材矣。
乎。嗟呼。吾不解政府諸公。其命意果何居也。將謂外
交需人材歟。則今日強對。我其手段活潑。心思堅
忍。決非此輩所能因應也。將謂內治需人材歟。則今
日立憲伊始。其事體重大。頭緒紛繁。又非此輩所能

董理也。將謂辦理一切事業需人材歟。則路也。礦也。
農工商也。^業非魄力偉大。操守廉明者。不能收效果而
闢利源。又決非此輩。斷能勝任而愉快也。吾方幸捐
納既罷。仕路可辟。而不料政府別懸一格以相招也。
吾又惜改官制。汰冗員。築室累年而不成者。乃此輩
且于于然彈冠。連袂而來。其是何其人材之多且盛
哉。昔人痛胥吏之害。嘗養百萬虎狼於民間。吾謂今
後起用之廢員。其散之民間。正可以恣其搏噬而大
嚼矣。天下之怪現象。孰有過於此者。

能自治者方能自由論

自由美名也。奈何假其美名而快我私意哉。蓋欲自

由必先自治。既能自治然後能自由。不能自治而自

由則其弊不至流蕩忘返。不止。夫所謂自由者何

哉。由於己而不由於人也。孔子曰。為仁由己而由人

乎哉。蓋我之善。吾為之。人不得阻吾為。我之惡。任

吾去之。人不得阻吾去。不為風氣所轉移。不為習俗

所搖奪。我存行我素。不必求同於人。此乃所謂自由

也。是以握節捐軀。做刀潰腹。臨大節而不奪。則何無

天雨流芳

忘李元通之自由也。忠也。毋擒而辭故主。父謫而從
送關。遭顛沛而不離。則徐元直。陳韶。孫之自由也。孝
也。推之陳寅之妻。飲鴆毒而先死。尹穀之子。行冠禮
而後亡。則於自由而見其節。宋宏邵易妻之問。不棄
糟糠。房喬感別目之情。齊諧琴瑟。則以自由而成其
義。若而人者。使其身不自自由。則貧賤能移。威武能屈。
富貴能淫。烏足謂大丈夫乎。又何以高風亮節。照耀
簡冊。而流芳百世乎。乃今之所謂自由者。吾惑焉。處
家則不遵父兄約束。恣意妄為。而曰吾自由也。求學

則不受師長教誠肆行無忌而曰吾自由也締交則
不聽良朋忠告益友善導而曰吾自由也結婚則不
待父母之命媒妁之言而曰吾自由也真情徑行踰
閑蕩檢卒至得當君教抵觸文網吾恐欲自由者轉
為不自由矣此無他天雨流芳不能自治故也自治奈何克己
以全其仁順正以行其義束身以守其禮多學以濬
其智實踐以成其信漸欲從心自不踰矩詩曰左之
左之君子宜之右之右之君子有之惟其有之是以
似之夫如是則何害其為自由也哉

論武力為和平之保障

今世界各國莫不曰弭戰爭。保太平矣。癡顧按其實情。則今日購砲械。明添船艦。汲汲焉。日為軍事上之預備。論者竊為然疑之。以為其言行之不相符。吾謂此正各國之保全和平也。此正日本所謂武裝的平和也。何則。今時勢兩強相遇。有兵力以盾其後。乃有公理之可言。一強一弱相交際。或兵力不足。以藩其外。則惟視強權以為判斷。此固自然之勢。天演淘汰之公例。縱有大博愛家。亦不能守慈善主

義以調和而解決之也。不特此也。現今各國之治內也。莫不竭力以籌戰備。修軍政。為思患預防之計。而其對於外也。又莫不竭力以謀拓殖。恣吞食。為兼弱攻昧之圖。非各國之樂於戰鬥也。亦非各君主之好大而喜功也。蓋勢力愈盛。則平和愈可保。曠覽世界。非疲病不能自衛。之國。斷無不實行軍國主義。以立於物競天擇之場。彼信弭兵論廢兵說之種種調言者。適足以自戕而已。法博士爾本曰。戰爭者。解決國際之公理。故仲裁不恃有法律。亦不恃第三國以

為參議沙黎爾曰以紙上之空談望世界之和平如
說法於豹羣中講道於沙漠上其誰聽之夫不見普
魯士乎以一小小國而為聯邦霸大陸熊熊然日上不
已而列強不敢與相觀者非俾士麥鐵血主義造
之乎又不見美利堅乎以天雨流芳一屬國而建設大邦稱雄
全球轟轟然日進無疆而為美洲第一雄國者非華
盛頓出死力竭百戰而得之乎即後起之日本其強
大雖遠遜於歐美然近十年來遂能抗行諸大國稱
霸東半球者非由明治之蹶中國踣露西亞而成之

乎。是數國者。豈怠於武事者所能致耶。反而觀之。古
代之希臘。埃及。波斯。及近代之印度。安南。緬甸。朝鮮。
皆以文明強盛之國。廢弛武事。卒底滅亡。此尤可為
慄慄危懼也。歐陽文忠曰。憂勞可以興國。逸豫可以
亡身。試察古今中外。興衰之實際。其士氣腐敗。國運
衰頹。而外患得乘其隙者。莫不由憂勞而來。蓋惟
武事愈修。則平和愈望。此實現今世界之公理。所
萬無可逃者也。且吾中國當此時勢。尤有不能不修
武備者。一敗於甲午。再敗於庚子。幾幾乎不能自振。

而環顧各邦。且日奮其長喙利距。得寸而進尺。得隴而望蜀。大欲無厭。足之時。於是日佔我臺灣。俄據我旅順。德擁我膠州。法奪我廣州。美攫我威海。九龍餘如琉球朝鮮。昔我藩屬。今則鬻割而瓜分之。而國內之領土。復有不可終日之勢。長江一線。盡隸英人。雲南半壁。全歸法領。其他山東之屬於德。福建南滿之附於日。北滿新疆蒙古。則影於俄肘腋之下。欲領則領。欲佔則佔。長此不已。非使全國之地圖。盡變其顏色。全國之人民。盡降為奴隸。不止。推厥原因。則

皆兵力不足以抗之故也。雖各國之保全土地開放
問門戶之宣言。吾謂此非精和之保證書。實滅亡之
預約券也。何也。無戰事不足以致和平也。夫巨砲驚
空。堅彈落地。藥團暴裂。血肉橫飛。以視冠裳踰濟壇
坵。雍容玉帛往來。風和日麗。其仁暴之界。幾不可階
級數。而道里計。海峽經。先期之決鬪。斷不能收最後
之和平也。嗟呼。泱泱東海。五大洲之旗影紛翻。莽莽
前途。四千年之國魂歸些。長夜魔巨獅之夢。鼾睡未
醒。四圍豺虎之牙。乞憐何用。我政府其亦怵然於

禍至之無日。討國人而申做之乎。

送竈神文

竈神每年回天奏事之期。適本報暮停工之日。記者

謹以如鉛之筆。如漆之墨。為文以送之。嗚呼竈神汝

一去不復返乎。吾聞台灣歸併日本之後。那臺灣幾

千萬竈神都流離失所。想一勾殘羹冷炙而不可得

雲南如七府鑛約不消。則雲南不日就如臺灣之

滅亡。竈神倘再回滇。吾恐外人不汝位置也。嗚呼竈

神汝雖去。吾亦不敢久留。雲南自鹽斤加後。民間至

有
淡食者。吾民謀食之艱。豈復有旨酒嘉穀。以享竈神。
竈神之淹久於茲。亦鬱鬱居此土而已。吾又何敢為之。
留也。夫吾民前此之懼迎竈神者。以竈神為司飲食
之神。必能使吾易於謀食。有家室妻子之樂。無飢
寒凍餒之苦。故不惜捐血汗之資。為之香花祝。而神
明視在竈神。亦受吾民之供奉。一年於茲矣。今
日者。外侮頻來。風聲瀟瀟。民食之不能下咽。大姚
之難。民窮而無告。永北之教案。殺戮又來。竈神於此
行也。苟能代叩天閤。以達天聽。使七府之鑛約去廢立

吾民之飲食無虞則吾民飲於斯食於斯而不致仰
給於外人者竈神之賜也吾民當供竈神於祖先之
上而不使居於廚房之間令竈神終日受烟火之刺
激而迷離若夢不知世界之大勢吾民之疾苦夫
未始非吾民之過也嗚呼竈神行矣主賓之誼一年
已盡秀才人情紙猶多竈神其聽吾言乎則竈神
此行榮幸何似竈神其以吾言為謬也則竈神其不
血食乎激

練膽說

膽生於識。識生於智。豈盡人可有者哉。然而有練之
之法。在無膽者。可使之有膽。膽壯。斯氣壯。氣壯。而人
且莫之敢撻矣。兵法云。寧我薄人。毋人薄我。我薄人
則人將自救之。人薄我則我之能禦敵。而不
足以殲敵矣。近來戰事與古者不同。大都相隔數里。
即彼此開砲。我利則敵人敗。敵之砲利則我軍敗。
若當砲火之衝。而屹然不動。已為不可多得。而十戰
可以九勝。其不然者。一聞砲聲。即惶懼失色。手軟而
脚攣。方且反奔之不及。又奚能計及於勝負。若此者。

謂之無膽。不足以當大任。然練膽之法。陸軍猶易。水
軍極難。顧即至難而終不可以不練。何則。陸軍一敗
尚可以四散奔逃。苟倖免。海軍則一或敗挫。無可
奔逸。竄入海中。則亦惟死而已。故中國海軍不敢輕
舉妄動者。所見正在此也。夫外洋之人。豈皆膽包其
身者哉。以船遇敵。相持於洪濤駭浪之中。此勝則彼
負。此生則彼死。其勢斷無中立。彼外洋之當水師者。
何嘗輕人輕性命於鴻毛。特以歷練既久。覺進退緩
急之間。皆有一定之程法。我但按其程法而行之。

而性命則付之於天。蓋一登兵輪。無論為管駕。為大副。為二副。以極至於火夫。水手。皆與船共命。外洋人知此理。中國人未嘗知此理。第外洋人之知此理也。由於歷練。而中國人之知此理也。不過意見所及。初未由於歷練也。夫所謂練膽者。其法安在乎。譬之秦鳥雀者。初見人。即不鳴。則故意挑逗之。使鳴。漸而習熟。斯見人。亦鳴。然一見多人。即又不鳴。於是携以至茶坊酒館。人眾之地。日日相對。久亦習慣。自然能鳴。然聞金鼓之聲。則又有所驚懼。而不復鳴。

於是又懸之戲臺之上。使其習聞金鼓之音。習見怪
異跳舞之狀。久之而行所樂事。乃可不引而自鳴。軍
中訓練馬匹。亦復如是。其初膽亦小。引之於校場之
上。使之聞鑼聲。鑼聲角聲。久之使之時見槍砲烟火。日
常習慣。然後至戰場。而無所畏懼。夫鳥與馬乃蠢然
一物。非可以言語訓誡。不可以意旨相通。尚且馴而
擾之。漸而習之。猶可使之心定而膽壯。而况海軍
諸兵弁。各有耳目。各有心思。亦孰不有膽氣。其畏急
其而不敢前者。由於不知練膽故也。中國之海軍自

創設以來已二十年矣。而實未嘗一見戰。仗馬江之戰。與法艦相去咫尺。兩相擊傍。一若忘其為敵國之人也者。而且堅不出手。毫無預備。似乎膽為極大。而不知乃為法所誘。以和字誘我。而我軍遂束手以待。彼之相先攻。夫砲火何物也。而可以讓彼之乎。當局者迷。而無辜水軍皆罹其禍。此則練膽之第一次。蓋雖受法人之欺。而從就。可。讓。可。知。所。先。後。膽。或。為之一壯。然究以船燬士傷。尚有畏蕙之意。故石浦之沈。望風先退。蓋其膽猶未堅也。迨鎮海之戰。法人

攻招寶山不得入而南琛南瑞各兵船即開砲以攻
之。又得招寶山砲臺協助法船遂受傷而遁。是為練
膽之第二次。則鑒於江之戰而稍知先後緩急矣。
此次倭人犯順甯高陞載兵之船為其所燬護送
兵輪皆皆無可恃則膽猶未巨也。至鴨綠江大東溝
之戰而中國海軍之膽當可以堅且巨矣。是為練膽
之第三次。此一戰也。傳聞不一。右中者謂倭船寶實
沈若干。右倭者謂華船寶沈若干。然以事考之。倭船
十二艘來。而以五艘遁。中國以定遠鎮遠兩鐵甲船。

與之左支右拒。僅受微傷。致遠一船。直與倭船之最
巨者併命。與此廣乙之舉動。同一手筆。由此觀之。則
此戰實為中勝。而倭敗。今姑無暇論此。但即此戰以
觀。而知中國海軍練膽之日。覺其練有成效。或者嗣特
厥後。可以愈練愈巨。則即謂倭人此次之
無理取鬧。特為中國之海軍練膽計可也。或曰練膽
必經此等大敵。而後成。則豈炭生靈幾許矣。將無戰
事者。即不能練膽耶。余曰練膽之道。原貴在乎平日。
如秦烏調馬之法。今中國平日本無其法。則藉戰事

以練其膽亦不幸中之幸也歟

論各部衙門將改造

香雪翁

泰西之富泰西之強皆以泰西各國上而天文下而

地理中而治國圖民莫不有極致之專門科與專門

學也自歐風美雨衝激而來而科學根苗遂於東亞

一隅爭相分植此不可謂非能自得師也顧當師者

在精神而不必師者有形式倘師其精神而益師形

式已覺有浮慕之心若師其形式而不師精神更難

免無識之誚况乎形式之又形式按諸科學而科學

不相關論其富强。而富强不在是。此在鄉曲維新輩
之酷嗜離奇者。偶營別墅。築高曾之矩矱。仿歐美之
形模。老成人猶謂其所師非所師。而心焉非之。乃不
在維新輩。而在衙門。不在鄉曲之維新輩。而在部
中之各衙門。竟聞近日改造西式云云也。夫各衙門
何地耶。非官所法與民所觀法官立之地乎。部中各衙
門。又何地耶。非凡為官者所取法。與凡為民者所懷
法之地乎。念自人心浮動。見異思遷。教育而專攻西
學也。學部則釐訂之。服式而私改西學裝也。禮部則

申做之。其餘則種^種之大有關係。而不可損辱國體者。各部靡不仿效。杜漸三令五申。竊嘗謂各部大臣於行政機關。雖力師其法。新然視浮慕者之師其精神。而益師形式者。固視無識者。師其形式。而不師精神者。更有間。部臣誠能遇事師其內容。不師其表面。由各部而達各省。由各省而達各府縣。與各學校各社會。於西法之頗堪^受事事於精神上研究。不於形式上服從。將見文^政治尚精神。而立憲非徒空說矣。武備尚精神。而會操非博外觀矣。經濟尚精神。而

理財非專苛派矣。是雖圖新之道。觀其形式。或有與
泰西形式迥乎不同。吾知泰西之政治大家。武備大
家。經濟大家。當亦深察其能。其精神。而非襲形式。區
區各衙門。亦何圖其不合西式哉。詎衙門之不合西
式。各部臣頗嫌其不壯觀瞻。而興議改造法政之不
及西式。各部臣視其日形腐敗。而不急改良。豈必
先改造新衙門。然後能改良新法政乎。亦未免太覺
附會矣。且又不特此也。目前內亂如此。紛糾外患如此。
逼迫國帑如此。竭蹶民情如此。拮据即凡百新政之

不得。不行者。猶當力求搏節。矧衙門一事。苟可仍舊。則仍舊之。若果風雨漂搖。此特艱。亦祇宜畧加修葺。省此鉅款。以充各項要需。不謂某部臣倡議之。各部臣附會之。土_天木_雨大_流興_芳。幾幾乎勢不可遏。特以現時一律改造。猝難集此鉅款。故定議先改某部衙門。其餘陸續改造。噫。部臣者。疆臣之表率也。亦凡百臣工所資為矜式者也。_某衙門先改西式。無_各部衙門亦續改式。_西而二十行省各督撫各監司各州縣衙門亦本此旨而相繼改造西式。無論中國官長居西

式衙門合諸尊崇國體大防頗有不合即此改造之
費各部臣取貨各疆吏各疆吏取貨各府縣各府縣
不得^勢不取貨各商人與各農人將必剗其肉以補其
瘡羅其省雀而~~其~~其鼠極之民不堪命如走險之鹿
不暇擇蔭竊恐高坐西式衙門者至此亦不堪設想
已雖然吾料各~~部~~諸巨老處此危局刻刻於精神上
講求泰西之所以富~~而~~所以強兵猶虞頭緒紛繁日
不能給斷不必於形式上着想以為漁利法門此殆
府中之媚子諧臣起花樣以圖侵蝕耳倘各部臣能

燭其奸而寢其議也則幸甚

釋羣壹

谷

搏搏大地華離而居極之主之不相越夷者人羣之
國土也衍一至黃勢逼而爭龍戰虎跳鳥奕古今者
人羣之歷史也蓋自元黃判判萬物蘖芽柔體蠕動
漸生脊骨由猿化人最迤最靈龍衣他羣而勝之僕僕
焉戢戢焉於是結成羣獨立之世界人者萬物中
之號為能羣者也西哲有之言曰惟人知有羣故世於
界占最優之位置荀子曰人之所以異於禽獸者

以其能羣也。然而同一人也。種別而羣分。惟歐羅巴
之高加索種為能羣。非洲之內革羅種。美洲之印第
安種。南洋諸島之鳥來由種。率以不能羣。漸就漸滅。
以底於亡。即我^當種最大羣之中國。亦幾成俎肉。列
強睨賜厲牙。而欲飽其腹。而舉國之人。其不知羣也。
如故。士不知羣。器苦窳。農不知羣。田蕪。菜商不知
羣。而棄信義。競詐力。儼然自命為士者。以愛力相
傳說。以名譽相高。尚要皆圖度小羣。而忽忘大羣。夫
天演之理。非爭存不足以自立。非合羣不足以爭存。

蜂蟻之羣雖微。而物莫之敢侮。兕象虎豹。非不巍然
大也。以其不能羣。而卒為人擒。嗚呼。羣之時義大矣
哉。孔子之立教也。特剴朋友之倫。以為羣之樞要。魯
論曰。君子羣而圖畫。又曰。四海之內。皆兄弟也。乃羣
之實義也。且夫所謂群者。以精神而不以形式。其志
同。其道合。雖一處圖畫。北海一處圖畫。南海一處圖畫。渺焉若毫末。不相
屬。及其趨於公利公益也。則影之隨形。響之應聲。乘
時而共濟。比之胡越。同身遇風。尤無間然。而社會之
所以發達。亦不由此。所謂精神之羣也。形式之羣。祇

知共起居均滌勞神濡沫相噓而已究不能永久特
立於羣體競爭之世界也僕不敏深維外洋致強之
道其得力於精神之群者甚至而又深悵我邦人之
猶不離夫形式也推其義與我邦人共勉之

釋羣貳

天雨流芳

谷

精神形式之別既述之如前矣而羣之效力如何又
可得而言焉今夫羣線髮為繩索其力足以繫千鈞
析之不足當一彈矣群狐腋為裘裳其采足以章五
服剖之不足值一顧矣一手足之力一心智之能所

謀者幾何。所禦者幾何。羣手^其足。羣其心思。則能力無
限量。以之自治。則昌。以之對外。則強。人之所以戰勝
於物者。在此。人之所以生存於世者。亦在此。歐美尚
己。一國之中。有以^圖結合。小之以營業。以求
學。大之以參政。以謀國。而事無不舉。其國本固。若磐
石也。近如蕞爾之東鄰。易治。僅三十年耳。文明之進
步。如駛行。內力之充。適如^圖膨壓。盱特局者。駭之詫之。
其原因。無俟深攷。其組合。備極完善而已。曰會也。云
黨也。舉朝野不離乎是。議院者。全國政法之所出。而

以各黨派成之。實業者全國生活之所關。而以各公會主之。外國各種實業皆有團體。以與政府相貫串。故能蒸蒸日上。發達如日。協會云。競進會。曰共進會。云。巡迴會。曰同盟會。圖。諮問會。曰聯合會。種種名目。不勝枚舉。而智識能力之增進。即由於此。七人已許成會。兼金亦可從公。多。數。又。奚。限。焉。國家為之獎護。志士為之提倡。無智愚。或樂從焉。其以區區島地。遽躋於世界強國之列者。職斯道耳。觥觥支那。獨於人之所倡之。導之。唯恐不力者。我乃顧忌之。鋤撓之。個人

之主義。遂與外人之羣化比例而進行。民奄奄無生氣矣。西力東漸。吾國直膺其鋒。以單禦複。以渙敵整。以愚當智。以弱抗強。烏有不坐困者。吾痛之。吾尤痛吾雲南之將罹危也。英以不嫌於緬而至。法以不足於越而來。吾雲南遂為二強光線所集之主焦點。路亡矣。礦失矣。饑饉無厭。日試其囊括之詭謀。更濟以強硬之手段。已疊見其端矣。嗚乎。雲南者。雲南人之雲南。非猶夫緬也。越也。一任人之宰割烹飪。而不思以禦防抵禦之者也。其防之之策若何。禦之之術

若何。則羣而已。羣一心力以練軍。羣一心力以辦學。
羣一心力以築路。羣一心力以開礦。羣一心力以經
商。羣一心力以興工。羣一心力以謀國。是獻讜議而
尤必歸本於學。圖焉。春秋傳曰：心昏耳目塞，梁亡。心
奚以昏？無學問則昏。耳日奚以塞？無團體則塞。羣乎
羣乎！其今日繫心之苞桑乎。

太平龍燈之非

隱

昨聞外南區炎帝會首事等呈報警署請於新年興
辦龍燈。其呈畧曰：新年為一歲之首。當此太平景象。

豐年稔歲。擬由公會治具太平龍燈。賀祝新年。並不
滋事生非。不過借此預禱。風和雨順。物阜民安云
云。嗟乎。時艱若此。而謂太平景象耶。民困若此。而
猶自謂豐年稔歲耶。吾聞昔垣龍燈。已停歇數年矣。
何又燃已燼之灰。揚將熄之燄。轉進化為退化。易開
通為閉塞耶。且吾國自海禁大開以來。一敗於日
本。再敗於聯軍。割地償款。時有所聞。瓜分豆剖。無時
或已。近者世界海牙和平會提議。且有派員監督我
國財政之說。嗚乎。大陸沈淪。閭不容髮。是說記者祇

覺國是之日。非固未識太平景象之為形何似也。此猶就全國而言也。若就吾滇一方面而言。滇越鐵路已於去歲落成。說者謂滇越鐵路之落成愈速。則滇事愈益吃緊。吾滇之土地人民。尚未隸法蘭西版圖者。不過地圖之顏色。尚未更換耳。斯言也。雖未免過甚。要不能不作如是觀也。然則吾滇人民處此累卵危亡之時。當如何卧薪嘗膽。如何兢兢業業。如何奔走呼號。萬眾一心。眾志成城。共圖挽此浩劫。或可僥倖以爭存。而乃歌舞悠游。賀祝太平。士嬉民恬。賞心

樂事若非全無心肝者則雖游鼎之魚巢幕之燕亦
將岌岌皇皇圖保生命而尚忍行樂為也矧今之公
益事件宜興舉者正多皆以經費支絀而搔首蹙額
莫可知如何乃圖龍燈賽會游戲無益之事不惜一
擲千金其偵甚矣解者曰吾民盛粢豐備以饗神神必
降之以福且鄉圖儺典被除不祥曼衍魚龍歲時同
慶亦古人所不廢何圖備之太苛不知皇天無親惟
德是輔黍稷非馨明德維馨當茲世界進化民智日
開貴乎審時焉得泥古故不希望太平則已矣如希

望太平則與其行此無謂之舉。妄希未來之興福則何如化無用為有用。節此有用之款以振興各項公益事件。吾民得共受其福。則雖不祇禱太平而太平洵可期矣。

因欲讀報見某使要來禁止華報登載日韓合邦事

本報與平論

癡黃

自印刷之術明而世界文也一進。自報紙之學昌而世界文化更進。自版權自由言論自由之憲法立而世界文化乃突進飛進。故現一國之強弱恆視其興

論之盛衰。欲視輿論之盛衰。先視輿論之有無價值。欲視輿論之有無價值。先視其民之智與不智。輿論之關之完善與不完善。為斷請先言輿論機關再及本題。輿論者天_圖之公言。代表人民之趨向者也。有國者俯而順之。同好同惡。是公非則治。反是則亂。故詢謀僉同。載在周書。國人左右見稱。孟氏與民好惡。重言聖經也。然亦視國民之智力何如耳。苟其民智發達。不言則已。言必有中。不發則已。發皆中節。庶政府有具瞻之賴。而莫敢萌蔑踐之心。是謂輿論是。

謂有價值之輿論。否則盈廷聚訟。毫無一是。築室道
謀。百無一成。合羣龍耳不足為師。曠聚眾瞽不足為離
婁。又安用此。囂紛為說。今欲進無價值之輿論。為有
價值之機關。其^置維何。則報紙是矣。報紙為輸運文
化之樞紐。牖啓民智之利器。陶鎔之鼓吹之激之刺
之抑之揚之。無^不為國民謀進步。為公共增幸福。如
菽粟如水火。離之無^不難。如狂瀆如怒濤。遏之無可
遏。雖絕世奸雄。梅特涅。無以止其跋。蓋世怪傑。拿破
崙。無以撻其鋒。時勢使然耳。故世界先進如歐美諸

國後進如東瀛島國莫不提倡而利用之。未聞有以
壓制而箝束之者。乃吾讀報（有某使要求我外部禁
華報登載日韓合邦等外竟狗其請。行文民政部

查照

云云。吾讀而疑始而疑疑此不情之請背理之言。

不當出諸儼然後進文明國使者之口。終而信信其

人知我政府可而愚之我國無價值之輿論可箝

束求箝束而已。然則亦有應之之術乎。曰有。

昔俄人租借旅順大連英使藉口均勢索威海衛合

肥李故相與之反抗辦難英使斥之曰君但訴俄使

勿訴諸我俄使干休。我便干休。今即變此語。正告某使曰。君但請英、美、法、德諸使禁止登載。諸使承認。我即承認。更有何事。嗚呼。我國外交數千年。如一日。往事已矣。曾文正曰。事已過。種種如昨日死。未來種種。如今日生。是以有學來者。抑聞之。泰西各報。每記中國爭挽利權。額曰。鸚鵡學言。則曰。嚙語。今日之論。能免此誚與否。孺子不能知。但得彼讀此論。綴一言曰。此鸚鵡言。殊異。則此論不為嚙語矣。甚願

敬告我青年諸君

鐵生

轟然一炸聲金碧變色大不列嶺之醜虜磨刀霍霍而

來大啄長伸鬼情突視欲齧我如錦如荼如膏如腴

之雲南攫而吞之以壓其魂思夢想希望殷殷之心野

更以殖彼不倫圖類如鬼如蠅之條拉民族使聲名

鼎鼎衣冠赫赫之黃帝子孫亦猶黑奴紅夷之無影

無形以落淘汰之列嗚乎狡矣返視夫吾千餘百萬

之同胞則不知不覺痛不饕戢戢喁喁熙熙攘攘

仍優游太平景象之天釜魚幕燕嬉樂方酣人世之

悲痛孰有甚於此者哉彼印度波蘭安南緬甸朝鮮

猶太於將亡未亡之日未始非今日我雲南人之一
副思想耶迨其橫遭成戮慘迫已極呼天不應籲地
無門之時創後思痛始知亡國之民如九幽地獄之
孽魂永無見天之日至是而悔晚之又晚我雲南今
日之現象與此等亡國之民異乎不異奴海千尋中
其滇人哭唱奈何之日也噫嘻諒山之役我滇人如
虎如龍之氣慨何為今而掃地無遺以至於斯之
極耶天乎冤哉賈生有靈亦當為之痛哭流涕於泉
壤矣雖然西力東漸風潮日急我雲南諸君當不似

前此之酣夢沉沉。以貿貿為大昏博夜之下。雖一般
老朽之無足輕重。而我虎跳龍拏之青年。必不甘於
退縮蜷伏。一任強虜之橫吞大嚼也。有是夫。則雲南
安危存亡之關。不得不賴我昂藏瑰瑋之青年。
起以轉移之也。特是轉移之道。厥惟戰鬥。而戰鬥之
事。又非易言也。氣不奮。不足以戰。胆不雄。不足以戰。
合羣之力不厚。生死絕亦不足以戰。以雲南
人口計算。有千餘萬之眾。老病婦孺去其什之八九。
而強壯精健之青年。當不下二三百萬。以此二三百

展

萬之青年果能團結為一。以愛心結愛性熱力吸熱
力置頭顱於不顧。屏生死於漠然。雖粉於敵斧。碎於
沙場。白骨嶙嶙。血肉糜糜。亦前仆後繼之死靡他。則
龍旗飄處。安知我雲南之大好青年。屏演生龍活
虎之狀態之地位耶。知非我雲南之大好青年。
重輝金碧。再造蒼洱之日耶。紫髯碧眼如鬼如蜮之
條拉民族。將亡魂奔馳之。暇復何敢磨牙以向鳴
乎。是在我青年之有血性者。起以幹濟之也。

敬告教育諸君

鈍根

歲月不居。忽忽已二月初一矣。龍旗飄颻。燈彩交映。
煌上乎開學盛典也。然訪之各校中。仍具文焉耳。入
其庭。窺其室。書架塵封。鼠迹狼籍。問之則學生之到
者。僅十之一。乃圖二十之一。即教員亦尚多淹留中
途。噫。是何濡滯也。人生不過數十年。寒暑而學海無涯。
豈能以有用之意陰擲於虛耗。青年者可寶。可貴之
時也。而乃悠悠若此。逝之駒光。誰繫未來之馬齒。
將長興言及此。能無疚於厥心耶。矧五洲大通。百學
朋興。遠覘他國。一日千里。而我猶紅日三竿。北窓高

芳流雨天

枕其何以立於學戰之旋渦耶夫張而不弛文武弗
能弛而不張文武弗為滇無暑假故年假特長已屬
辦學者善於通融曲體人情之至意期以兩月亦云
匪暫矣而復蹉跎儼若成例者則習慣使之然
也一人如是則人人如是一年如是則年年如是孟
德斯鳩有言久之習慣勝於法律學堂無謂法律
規章即法律也習慣成遂玩視規章而以為無足
輕重假令一切如是學務前途尚堪問耶利差忒曰
天下之最可寶者無如特日天下之最奢侈者無如

浪費時日。一歲之中除年假例假外所餘時日亦既無幾。乃並此而亦不之惜。謂非浪費其何說之辭。且學堂功課有一定之程限。教科之編纂亦以鐘點為配當。一年耗去若干日。積至數年則所欠功課必在一學期以外。由是而畢業補習之舉不能不發生矣。人壽幾何而乃補也。迨至此則教者學者均視為苦惱。所學亦必不決而言也。然則與其拮据於後。何若勤之於先。青年者活動之時代也。不於此時活動。將待何日活動。不於此時修養。將待何日



修養春光融々。蟲蠹蠅蚋。其凡蝨肥蝨蚤蛾蟻之屬。匿迹
而銷聲不復結隊以相擾。正我輩發篋讀書優游絃
誦之時也。乃一任唇舌之遊逝。豈不重可歎也哉。然
何以致此。豈學之咎哉。抑辦學者之咎歟。推求
其朔。吾不能不責望於司教育權者。而我青年亦亟
宜回頭猛省。勿因循泄沓。自貽伊戚。致負鄙人之忠
告也。

恭賀新年

商女不知亡國恨
猶唱後庭花
隔江

瑛

吾國社會中每逢新歲戚往來投刺謂之賀年即有

遠在他處者亦必函電交馳郵筒絡繹雖通人達者不能不循俗例而為善頌善禱之詞噫此何為也哉蓋吾國社會之習慣自來久矣然而不可解也實甚去歲之時已壽今歲之時日方來以歲月一方面言之不過地球繞日經一週耳新陳代謝物理固然在歲月則可曰新矣而人又何新之有焉今人與人賀云新禧吾只見其舊一耳則徒舊一年而已禧於何有所賀者何事此不可解者一也人生世上最壽不過百年呱呱墮地之時即為人生最新之一年過

此則年長一年。即年舊一年。由一歲而十歲。而廿歲。而三十。而四十。而五十。而七十。而八九十。流年似水。轉眼閱事耳。况彭者殤者。之不能以一律限也。人生七十古來稀。中年人。攪鏡自照。白髮蕭條。將有對屠蘇之酒。而讀古人去日苦多。來日少之。言為之咨嗟不已也。嗟々禍莫大於死亡。吾有涯之生。多過一新年。則去大禍之期日。亟一。吾對自哀之。不暇而何賀之足言。此不可解者。又一也。人有三不朽。太上立德。其次立功。其次立言。吾溯有生以來。不知過了許多新

年○前○十○年○之○吾○與○今○日○之○吾○依○然○如○故○也○大○者○遠○者
勿○論○矣○試○問○去○年○三○百○六○十○日○之○中○曾○有○絲○毫○之○建
樹○否○曾○有○尺○寸○進○步○否○對○於○社○會○曾○有○補○救○一○二○事
之○影○響○否○思○之○吾思○之○吾重○思○之○一○無○有○也○今○者○舊○庚
戌○已○去○新○辛○亥○又○來○吾將○聞○爆○竹○之○聲○而○汗○涔○涔○下
而○諸○君○顧○乃○相○以言○賀○或○者○諸○君○自○有○有○可○賀○之
處○若○僕○者○真○自○吊○之○哀遑○矣若○夫○盤○獻○五○辛○觴○稱○萬
壽○衢○康○衢○納○祐○瑞○室○延○釐○溯○我○國○自○黃○帝○開○化○以○來
久○為○世○界○文○明○之○祖○國○其○在○昇○平○之○世○內○綏○諸○夏○外

芳流雨天

撫百蠻則罔不於歲首大朝來慶元會履端伊始咸
與維新即吾儕小民亦將樂此春酒以介眉壽吾今
日殷々然為之望古遠集傳生斯世何幸如之其名
曰恭賀新年猶謂說也今日者外患日亟內變方張
處々網羅盡夜々鷄鳴天雨流芳大驚今日且過罔知明日去
年且過罔恤來年過此雖為縮短國會之第二年立
憲方希成就然而來日方長來日大難也今日之世
變語其禍耶則共工之狂率有之痛王茂宏之涕庾
蘭成之文猶未足以喻其悲而寫其苦而諸君猶曰

恭賀新年。吾真不可解其賀之所所在也。且夫古今
來同一紀歲耳。揆之往事。則如彼。視之今日。又如此。
今昔異。則特強弱異。勢覽庚戌辛亥之歷史。得毋為
之掩卷咨嗟乎。雖然。社會人類愈久而愈進化。智愚
異習。則文野又異形。以今方古。亦未可一概而論也。
今者民智大啟。風俗一新。壓厭勝寧。取於桃符辟鬼。
翻嗤乎葦索。倘使孟頫婪尾。錫泥膠牙。竹爆庭前。謂
山魁可遠避。酒暎席上。視樂巴神若仙甚。且向青洪君
而乞如願。信唐明皇而畫鐘馗。其誰不笑左氏目盲。

彥回齒冷。固知人羣進化。學界開明。當不徒區區於
荆楚之記。歲時正宜急。於歐亞之爭。雄長者矣。諸
君諸君。揆務審機。瞻前慮後。知愚民難於振始。惟俊
傑端在識時。勉德聲發皇光。采則所以謀吾國之幸
福者。正未有量。此鄙人區區致賀之私心。在乎此而
不在乎彼。而願與諸君共勉之也。

撫夷即所以安邊論

瑛

邊夷屢為中國患。然馭得其道。未嘗不可收之。為我
用。齊晉招徠江黃。臣伏羗戎。卒收犄角之勢。漢武帝

開通西域。以斷匈奴右臂。而匈奴不敢南下。以窺漢。自古以夷禦夷。為經畫邊防之策者。其功尤偉也。今雲南為中國邊防之重省。而僻處西南。四封之外。羣夷蝟集。故強夷圖虜時有竊發之虞。然昔之所以為患。而欲混併掩取之者。余天雨流芳正宜羈縻約束。撫置得宜。而收為我用。以圖我我邊圉也。何者。自越南淪於法。緬甸滅於英。雲南處此大強國大強國之間。彼蓋無日不欲伸張其勢力。以為蠶食狼吞之舉。而我滇財政困難。人心散亂。又西南邊境距內地動以千里。由省會則

非月餘不能達萬一有變潛師躡境奄忽而至有不
及知者矣即知之而運兵籌款將何以善其後哉惟
西南邊境諸夷錯雜僻處山谷地雖崎嶇無平原廣
甸然重岡峻壁對險可守如騰永維西及普南諸夷
又多足家給人足素稱驍悍者苟能撫之有道用之
有方不為敵所獲則猶我之勁輔也我西南邊境咽
喉所寄命脈所關之地有此長驅直進以窺吾堂與
哉然則撫之之法則又何也夫夷地固多瘴癘素為
夷居本朝仍其故習不以宅華人計之善者也

然自有改土之議而貪官污吏往往藉端濫索殺戮

無辜使夷民視漢官如仇敵於是外人假以寬大之

名從而羨惑之近國其佔馬後許夷人種煙及與

每斤祇計三十地夷人多有樂後固不為我用而反以我為

仇勢必至需其地於外而藉此以為保護昔之所

患其專擅自恣今則在於此而不在於彼矣剥床

以膚豈容緩視吾人何可鄙而棄之以蘇外人哉吾

謂內地之夷宜流不宜土邊境非遐壤之夷宜流不宜流蓋內地之夷壤人非勁族處

於內地馴服已久忘為夷之陋安於夏之美苟有異



志。可。以。令。行。禁。止。雖。有。悍。者。不。至。勾。通。外。人。故。改。土
宜。也。至。於。邊。境。之。夷。則。不。然。其。地。廣。其。族。大。世。居。域
外。與。外。人。毗。連。我。苟。撫。置。無。方。彼。必。依。負。外。人。恃。以
仇。我。故。宜。即。其。圖因。其。人。寬。其。法。薄。其。賦。酋。長。舉。仍
其。舊。羈。縻。約。束。曉。之。以。利。害。申。之。以。信。義。彼。豈。獨。親
附。於。我。而。已。哉。且且。樂。為。我。用。也。馭。夷。之。法。不。過。寬
猛。二。字。端。然。審。特。度。勢尤。貴。權。宜。昔。諸。葛。武。侯。以。攻
心。為。上。誠。能。得。其。心。則。南。人。必。不。反。矣。况。今。日。我。不
經。畫。則。人。將。攘。而。去。之。我。且。失。其。險。矣。有。安。撫。之。責。

者其慎圖之

雲南日報大改良祝辭

兩人來稿

大盜入門大禍已至一人鼾睡半醒半瞑獨力禦之

力有未逮委而圖之勢有不能况乎祖宗墳墓子孫

由田廬去無可去誰為樂土當期斯時也處斯境也

計將安出嗚呼噫嘻我知之矣惟有敝吾舌焦吾唇

嘶吾聲枯吾淚振憤發龍聾與醒吾羣合大力鼓大勇

出其萬死不顧一生之計以奪其魄而懾其魂縱或

強弱不敵難操必勝亦不外戮力同心決志前進生

天雨流芳

勿退怯 勿畏難 勿顧慮 勿踟躕

則俱生。死則俱死。勿奮始而懈終。勿苟活以僥倖。若

是乎。彼大盜雖強。安有不可敵之理。夫以今日之雲

南。其禍機如何。有眼者自可見。而知之。雖然。民智未

開。眼光如豆。外勢力侵入。抵制之策。畫無聞。此

何異大盜入門。而主人猶斫卧不醒。其危險詎堪言

狀。使是時而猶無一警枕之鐸。清夜之鐘。大聲而疾

呼之。欲其免禍。豈可得哉。而報紙者。實國民之警鐸。

夜鐘也。日報者。又日日而有所警。日日而為國民之

鐘也。自雲南日報出現以來。其所警發。我滇之官吏

士民以共趨於相相歎相相勵大覺大悟者已非淺數迺
者報社諸君子尤不憚苦其心志振其精神多其方
法虛其襟懷以為改進進步之雄圖斯苟非具智慧
眼抱愛群心犧牲身以度己度人者孰肯為此噫
嘻雲南今日而始有此且報雲南之不幸也雲南今
日而始尚有此且報且亟亟謀改良之又雲南不幸之
大不幸也奚以明其然耶夫有室可居其遠勝於露
宿也明甚然徒有粗且規模之宮室尤不若建築精
美之宮室其理昭々然也有報紙之勝於無報紙有

改良報紙之勝於草創報紙其理又甯獨不然。是故改良之關係大矣。孔子曰：過則勿憚改，改之以從良也。蓋不改則不良也。湯之盤銘曰：苟日新，日日新，又日新。新者良之謂也。泰西諸國知其然也。一國有新式鎗礮出，則他國改其舊者，恐後焉。蓋謂不如是，則不良也。一廠有新式機器出，則他廠改其舊者，恐後焉。亦謂非是，則不良也。其餘新政、新學，均莫不日夕改良。職是之故，故昨日乙優於甲，今日丙駕於乙，明日甲還勝丙。如是相增

天雨流芳

相長。以至無窮。其改作無已時。其良美亦無已時。此其所以富且強也。然彼種種之改良。均先由報紙之改良。有某鎗礮之改良。而報紙表其良。有某機器之改良。而報紙述其良。有某政某學之改良。而報紙稱其良。又其國無人不閱報。無事不登報。故甫有一良。工良。藝良。政良。學良。人材良。風俗良。官吏良。其社會之人。即無不知之。無不學之。此其所以突飛進步。為吾國所望塵莫及也。然吾國人之聰明材力。非真不彼若也。無報紙故也。無良報紙故也。今雲南日報出版。

未久而即有改良之盛舉。吾知不旋踵間而良政工
良藝良政良學良人材良風俗良官吏即可與彼秦
西各國齊驅並駕矣。傳也天下事只患不改不患不
良。周處改暴而臣忠臣孝子戴淵改劫而為征西將
軍。姚崇改獵而為李家名相。寇準改飛鷹走犯狗之
玩好而為趙宋忠臣。蓋既名曰改則如人之改過遷
善。衣之改舊為新。工師技師之改拙為巧。改粗為細。
其內容其形跡必較前卓有可觀。固可預決其必然
也。鄙人不禁馨香而祝之。頂禮而膜拜之。為之祝曰。

雲南日報萬歲雲南一千五百萬之同胞萬歲

嗚呼雲南休矣

警醒國民

痛哭官吏

瑛

嗚呼我雲南自今年歲月更新以來無一事不是警

驚心慘目可以流涕者外人吞噬官吏昏庸國

民不振政府漠視雲南夕夕夜夜乎殆哉洩穢過朝

審姬姜之不國被髮歌野知有辛之為夷風景依然

舉目有山河之異此其時孰謂今日之雲南而竟

亡耶孰謂今日之雲南而不亡耶雖然欲亡雲南者

為外人使外人亡我雲南者實為官吏而知雲南之

天雨流芳

亡而不自救者。又在乎國民政府猶其後焉者也。以故吾敢斬釘截鐵以斷雲南之必亡也。而自有其故焉。法人自滇越鐵路開通以來久已視雲南為囊中物。而一再要求政府鑛產蓋欲扶助其殖民政策。以遂其小巴黎之野心。今者增兵之惡耗。又見告矣。金馬碧鷄之靈行將沈沒。我國國民始則視為夢囂不足重輕。繼則觸目驚心。輔有張皇。今則司空見慣。渾間無事矣。嗟我國民含垢忍辱恬不為恥。其不為安南之續者幾希也。英則強佔緬甸。後無一日不欲有事。

於我西邊蓋英人欲取西藏以控制印度之項背而
窺伺巴蜀之門戶故日俄之役列強方注目於東方
而英人獨派一軍遠征戰土以開東漸之路其詐謀
誠不可測去臘借口保護商人進兵片馬之地占
領要衝固欲席卷雲南以進握長江流域而先受其
害者則我雲南也我國民未始不為之感動而發生
抵制英貨之思想顧當開會後不見踴躍施為實
行抵制今三月初一期已屆矣而市店攤場之英貨
如故商人經紀之買賣如故虎頭蛇尾有始無終即

其一端已可見我國國民之全無心肝也。嗚呼！亡雲南者我雲南人自亡之。斯言也。我滇人固不能辭其咎矣。然而使外人吞噬雲南之土地，不使雲南人得逃於奴隸之外者，圖官庸官吏，雖寸磔之，猶不足以蔽其辜。興祿石鴻韶，其罪魁也。天雨流芳

為能與祿則為
涉必擱置而又不
理任外人割地
漢不關心
凡遇重大交
夫雲南今

日之官吏，非無一二熱心愛國，奮不顧身之士，欲為保全土地，而外人力爭，然上制於政府，下窮於無援，往往西望長嘆，仰屋唏吁，無淚可揮，徒勞案牘，嗟

夫特局如何景象。以一、二賢者之感化力，不能起多
數冥頑而一振之。此雲南之所以止也。近觀某道員
之言，謂片馬之要素，於雲南商人無甚利益等謂語。
又某交涉謂某國辦交涉過於庇護人民，令外人疑
為左袒等語。嗚呼！余聞斯言，余敢斬釘截鐵謂雲南
必止於諸人之言也。由某道員之言，是直欲送斷之
而已。由某交涉員之言，是直欲吾民束手待斃於外
人。靖共牛馬之天職，而不願吾民有保衛之安樂，以
博其和平了結。辦交涉之好手而已。嗚呼！吾國他日

天雨流芳

必有李容九第二者出。以中國之土地人民為其進
身之媒介物。不然。何今日竟有此不分內外之人。而
欲陷吾民於危急死地之中。而無所顧忌也。其他酣
歌醉舞不減昔。甚至以言危亡者為多事。甯使吾
民噤若寒蟬。為結舌之民。以死不使吾民得有自由
之言論。引起同胞救亡之思想。以生此。又尤為不可
勝數也。嗚呼。雲南已。復無望矣。國民知其亡。而不
知所以救亡。官吏則不知其亡。而恐其不亡。雖有知
其亡。不欲其亡。而無法以救其亡。此雲南之所以終

亡乎。此雲南之所以終亡乎。

論中國今日急宜提揚民氣乃足以救亡。瑛

人有捲海橫掃之連橫鐵艦而我則無之。人有起陸

突飛之裹甲師團而我又無之人。有保衛人民之官

吏而我則雖有若無人。有新衝禦侮之外交而我則

無勝於有。加以國勢孱弱藩屏盡撤政治紊亂上下

困窮攝乎六七強國之間。常思伸張其龍拿虎擲之

爪牙。屢欲伺逞其蠶食鯨吞之志。願呼嗚天下其有

此等國乎。危矣危矣。去亡不遠矣。蓋何恃而不恐也。

芳流雨天

恃勢乎。國勢已在他人之勢力圈中。勢於何有。恃理乎。公理已變。萬國強法新制。理於何存。是勢既不足以敵人。理復不足以待人。計惟有束手待亡。一任他人之凌侮之踐踏之奴隸之慘辱而吞聲飲泣。以作天道無知。惟強是佑之嘆而已矣。然是說也。聞之猶令人短氣。况於親為此國守之民乎。身既不幸而為此等國之國民。豈可無佑強之理想也。國一日未亡。猶有民在。民一日未死。猶有氣存。國以民為本。民以氣為本。民氣未滅。國烏可亡。弱國果存。何可恃哉。吾

謂大可恃者民氣耳。氣也者，雖由外爍而生，實乃熱中而發其來也。一激動而立即爆炸，且疾於厲疫之傳染，其發也一鼓作氣，並難勸禁，更憤於殺父之深仇。其方寸地若膏，五十年燒不盡之烘煤，其腦門中若有荷蘭大火山之衝，衝斷十大師團不能攻其隙，百大戰艦不能當其衝。天下無論何國，若有此等國民，無海軍也未足慮，無陸軍也未足憂。政府雖孱也，未足懼；外交雖憊也，未足虞。以國尚有民，民尚有氣，故欲亡其國，非先亡其民也；不可欲亡其民，非先亡其

民氣也。尤不可。譬諸戰氣為前鋒。民乃中軍。國反居
後備矣。為將者當鼓其氣。如善用之。安有前鋒尚未
少受瘡痍。而後備遽得先遭覆沒者。此固戰陣上極
罕聞之事也。以國氣極盛之國。猥曰亡之。談何容易
乎。然是氣也。宜壯不宜饒。宜聚不宜散。宜再接再勵。
不宜存觀望之心。宜無聲無臭。不宜作口頭禪語。宜
善養之。以俟至氣可奪服之時。宜忍用之。以直至氣
能大伸之日。有篤信守死善道之心。有不淫不移不
屈之概。有好漢打脫牙和血吞之毅魄。有尾生抱柱橋

而死信之精神。夫然後可謂之真氣。夫然後可謂之國民。夫然後可望以民氣而救亡。夫然後可謂恃民氣而為國。非然者非亡無日而已也。不難以此民氣情囂動之客。其國之亡。此則視夫其國之所謂民氣何如。以為論斷。不能咎吾言之過偏也。若夫提倡之者。則為何如。曰勿壓之。勿抑之。勿挫折而傷之。惟使淘汰其浮動之客氣。以養成其有守有為之真氣而已。斯巴達之強。惟民氣也。美利堅之獨立。惟民氣也。日本之維新。亦惟民氣也。曠觀今古。縱覽

時局覺天下從未有民氣尚盛之國而遽底於滅亡者。法國為德所破而終強。意大利為奧所欺而終自立。此非民氣為之歟。民氣足以為國是所急宜提倡者也。

省界為亡中國之

大厚原因論

瑛

當世之君子所日辨論於長老先生少年後進之

前著為論述而假為藉柄者非合羣之說乎。余嘗終

夜不寐。繞室旁皇曰。今中國之勢亟矣。一人之智不

及千人之愚。同舟而遇風。胡越可相救。必也。羣策羣

力。集思廣益。聯成一。個結。不可解之團體。取其昔日
之藩籬。畛域。而一破之。然後與外人抗。嗚乎。此合羣
之原理也。大政治家。教育家。大詰學家之用心也。
乃吾聞有省界。國說。又不禁太息長嘆。涕泗橫流曰。
中國乃真亡矣。中國之亡。不止於外人之瓜分。而止
於國人之排內。昔日之著為論述。假為談柄。而所謂
合羣之說者。其毋乃變而為強人覬覦。同室操戈
之一境。而適成為此反比例乎。嗚呼。世界一般之大
勢。龍跳虎拏。彼歐西異族。挾其民族帝國之。二大主

義振蕩衝礪高睨大談於神州萬里之上出其狐狸
豺狼之政策擇肥而噬旁若無人我同胞當此陰風
怒嘲之下尚不知萬慮一心合大羣以與之抗乃分
省界於己國之圖陰識而默數之曰汝楚人自有楚
界吾浙人自有浙界彼滇人何與於粵人彼粵人何
與於閩人涇清渭濁畫而分之一事之起一難之來
痛癢不相關休戚不問至謔嘲之細言語之微
鬨然羣譁曰彼閩人辱吾粵人彼黔人慢吾滇人聲色
洶々幾有號同鄉而動衆之勢悲夫悲夫外人之譏

我中國曰中國廿二省有如廿二國我四萬萬同胞
之內容其為外人窺透也久矣吾今真有大怪不可
解者欲質之於我同胞我同胞於所新親之言則不
甚留意兄弟相愛為習見不怪而他人有罵辱之
者則勃然生同仇之心今者人將犁其庭滅其國奴
其親滅其族以其國為已成之殖民地以其人為公
同之賤奴隸而夷然不顧不知率其弟兄而與之抗
乃於析家分產計較於米鹽瑣屑之末以為能事嗚
乎我同胞何不一讀世界史觀德意志之自強美利

堅之獨立。毅然而發聯邦之思想乎。我同胞又何不
一讀希臘史。觀其畫希臘。分為數十國。其弊也。雅典
斯巴達。率諸侯而鬪。遂轉相殘覆。兩力交盡。不得不
借重外人。亞氏國子假平亂之名。握其紐。而一倒之。
赫赫之文明之偉族。漸滅。至於今。而不能復振。今我同
胞之言省界者。國子自問其能力。有以愈於雅典
斯巴達之民者乎。此國子彰明較著者也。嗟夫。省
界省界。無淚可揮。夢寐猶警。吾言及此。吾不禁大有
感於我之雲南矣。自越南淪於法。緬甸滅英。則吾國

西南之藩屏。而外人亟亟然欲伸其勢力於吾國西南之地。於談西南重省。首屈一指曰：雲南。雖然雲南固當其衝而川也。湘也。兩粵也。又何嘗不與雲南有唇齒相之勢。蓋滇處乎二強國之間。則為初入手之起點地。而受其禍者。又豈特吾滇一省哉。法築滇越鐵路。其綫欲跨滇而入蜀。以窺長江流域。法人有吞滅四川策。證也。吞滅四川策譯如此則滇湘兩粵之支線。即在其勢力範圍矣。英人殖民之根本。全在印度。印度得則西藏緬甸。有不得不爭。

天雨流芳



之勢

此節有二十一世紀之世界大勢論以發明之

今緬甸已得可以進窺

蜀藏於是雲南又有不得不得爭之勢雲南蓋與緬甸

毗連足以牽制之使不得僥力於東北彼欲經營蜀

藏必先有事於雲南今之據我片馬其豫謀也如既

得志於蜀藏則長江金沙江以南有安枕之一日乎

故欲保存中國必先保存雲南雲南安則川黔湘粵

安川黔湘粵安而中國安安邊徼所以安國家譬

之肢體無折傷之患而心膈腹享安和之福也雲南

與川黔湘粵有如此密切之關係則川黔湘粵又與

芳流雨天

中國有如此密切之關係。則雲南一省而他省豈可
漠視之乎。吾不敢謂雲南之興亡。全賴他省之漠視
與不漠視。然雲南一省。而川黔湘粵。必繼受其禍。可
以決言之也。如省界之說。其不可乎。且
吾國人素無公德思想。凡遇共同事業。往往屏足不
前。然猶懼夫人之謂讓之。而不見容於大眾也。至有
省界之說。而他人不能以畏事苛之矣。即吾省人亦
不敢以畏事苛之矣。更有官商學界腐敗之積習。辱
國害羣。蜺然而不以為怪。初猶懼人之謂讓之。而不

見容於大眾也。至有省界之說。則其鄉人不特不能
沮止之。而糾正之。反為之隱飾。為之寬諒。大都以畢
究是同省之一言了。嗚呼。我國有此等惡積習惡
風俗。其能自立。種族競爭之世界乎。此省界之說。
吾為之痛哭流涕於中國之亡。其原因或由此也。
外患日迫。因
嗚呼。今辛亥年月餘來。現象接於吾人之眼簾。
觸於人之腦筋者。無一不是列強競進取之野心。及
中國大局瓜分之危狀。吾國人之稍有血氣者。皆為

之奔走號呼痛心疾首。亟々然欲起而挽救之。然吾國何至得此危亡在即之勢乎。其事不一而足。顧其近因。乃政府不速為之招集國會。有以致之也。夫改良政治為中國今日救亡之要圖。此明察大勢者皆能言也。然改良政治則必以鞏固憲法為根本。今中國立憲之議論。騰於社會中者。數年於茲矣。試問我國民中。能知憲法之真理者。有幾人乎。而一般之官社會諸人。則尤為夢々。惟其夢々也。故不知憲法之真理。不知憲法之真理。故不知憲法能力的作

用不知憲法能力的的作用故不知國會與內閣之關係於是雖以今日之危迫而政府諸公大權獨攬不減昔特而於憲法問題猶不能知所解決遂有擬憲法於國會未開^法先行頒布者嗚呼吾國將來之憲為欽定乎抑為君民共定乎夫以國會未開而徒曰責任內閣則內閣對於誰而負責任此真大惑而不可解者也故時至今日外人之侵略日深而內政之昏盲如故大局之瓜分已定而民權之不振依然未始非政府諸公誤解憲法者階之厲也數年以來

瓜分中國之議論傳播於中西報紙者。幾不可指數。而列強之不遽然實行者。非畏吾政府也。非畏吾官吏也。非畏吾海陸軍之充足而勇猛也。蓋以吾民為聰明睿智之族。西對風東漸以來。其國家政治思想。民權自由主義。無日不鼓吹於吾國之社會中。其喁喁望治之國。莫不知東西立國之原理。使吾國民獲有參預政治之權。實足以雄飛世界。彼列強審其機度其勢。雖以絕大野心家。亦何敢對於二十世紀以後之睡獅。乍醒乳虎。嘯谷之國民。遽行其瓜

分之手段乎。中國之得以久延殘喘者，皆國民為之
砥柱也。何意寒暑屢更，而政府之對於國民，總不見
其信用。於是立憲之規模，祇成畫餅。雖以去歲東省
人民之哀懇熱誠，曾換之要求，而國會猶未見萌芽。
君上之專權如故，遂使執中利貪，祿之貪徒公然施
其奔競，牛鬼蛇神之政客，益得假其虛聲，外交以畏
媚為專家，軍事以腐敗為能手。苞苴日進，賄賂公行。
民氣銷沉，豺豕當道，誰謂立憲之國，竟如是乎。假如
吾國今日，非處四面楚歌之中，而有此現象，猶恐釀

成大禍。矧逐々者鷹。眈眈者虎。日夕盤桓。躑躅於吾側。以攫食我人民。雄據我土地。耶。嗟夫。立憲不成。而反以速其亡國。是豈有以名之也。蓋漫事敷衍。為塗飾耳目之計。有以名之也。

為英人派兵入我雲南邊界佔據片馬事編告

中國同胞請速立中國保界會實行不買賣

英貨為文明抵制

燦高

嗚呼。我四中國四萬々同胞。亦知西南天末。亡中國之萌蘖。今已漸々發生乎。我四萬々同胞。不即此特

協心并力。預謀鋤遏。則勢將滋蔓。蔓不可圖。我國樞
鑰。必總握於他人之手。隨所欲之。無不如志也。已矣。
乎。中國從此善尚可為乎。尚尚可為乎。同胞同胞。事棘矣。
請垂涕泣而道圖我中國廿一行省。具倒挈全國
之勢者。雲南也。而雲南所以能倒挈全國者。形勢多
在迤西。樞紐蜀圖高據長江上游。是何如險要也。緬
甸毗滇。自歸英占後。就封圖不已。又肆北封。日假勘畫
界址之名。實行蛇豕存食之策。昔者我滇牧圉。遠在
大金沙江外。乾隆以後。孟養孟拱。蠻暮等土。司潛入

緬疆吏憤憤不知索還可為痛惜然猶瀕江而守也
乃英人狡焉思啟日甚一日浸假而越據大金沙江
浸假而進占野人山身至奪得樹漿廠而滇之藩籬
潰英人之根據國前我政府慎睦邦交隱忍退讓壹
示包荒而我人民罔獲天雨流芳知無可如何即有少數識
特務者亦祇得稱太息敢怒而不敢言且前政府
官吏視雲南如甌脫南使金歸外有似不大惜疆界
日蹙職是之故而英人野心勃勃不可億逞今年冬
杪突如其來派兵千餘據我片馬夫片馬滇地也屬

我保山縣登載志乘章々可攷我滇於宣統二年五
月間曾設土民學塾教授該處土弁所屬土民子弟
英人於邦交修睦之時橫使強權擅自稱兵甘為戎
首據地不已復設之各學塾野蠻無理達於
極點全滇同胞一聞警報忍無可忍憤不勝憤莫不
髮指皆裂擬先鳩集十四府義烈子弟同心抵赴雖
脰隔胸暴骨流血即欲化沙化蟲亦所甘心甯盡死
一千七百萬同胞以爭片馬不能讓片馬寸土以受
橫逆即使數灰燼則我川黔粵楚各同胞當此大局

天雨流芳

累卵之秋。必不坐待死亡。甘為印緬誓誓將結社同
袍鼓再接再厲之氣。前什後繼保滇疆以保全國。亦意
中事。特以觀今世界。明各國同聲結會。主張和平。
彼英已腆顏破環公例。而自居於野蠻。我又何可
以激烈抗禦。而轉成**天雨流芳**效尤再三。聚議彼以野蠻手段
待我。我仍以文**天雨流芳**手段待彼。編告我廿一省同胞。同
聲相應。凡足跡所到。中國保界會所與外國
毗連之地。援古證今。精心研研究實。行調查。著成圖
說。出版發行。凡英在中國所售各貨。認真抵制。雖一

綵一線一器一物皆宜嫉之如蛇蝎棄之如糞腐一
人如是十人如是以至四萬之人皆如是滄海可變
此約不可變南山可移此約不可移父戒其子兄勉
其弟并心堅守置意實行非至返我侵地片馬爭回
撤彼駐兵復我學塾之天雨流芳斷不議解羊亡補牢前
失雖已無望後復或可漸強未始非救亡之策也若
禍已燃眉行觀望英復得寸進尺虎狼無厭則不惟
藏蜀滇之扼塞立見蕩然悉將不測而舐糠及半唇
亡齒寒長江上游行且入彼掌握稍加經營即可順

流直下萬一野心大逞則楚鄂吳越諸省勢如破竹
而列強此時乘機攘臂實行瓜分我四萬々同胞奴
隸之厄必致共飲馬牛之鞭必致同受萬一致此我
各省同胞必曰雲南人先無能力使我輩至於此極
是雲南人不惟死有餘愧且死有餘罪不惟為亡雲
之原料且為亡中國之罪魁九原雖深不知尚有何
所可藏衆罪之魂魄敢不恥嗚呼我雲南同胞
奮奮々呼我全國同胞起々起

